



Broj: 16-12-16-5777-1/24
I. Sarajevo, 12.07.2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24), na preporuku Komisije za nabavke za potrebe Državne agencije za istrage i zaštitu u 2024. godinu broj 16-12-16-5777/24 od 16.09.2024. godine, u postupku javne nabavke usluga fiksne telefonije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za
LOT 2 - Nabavka usluge fiksne telefonije u Regionalnoj kancelariji Mostar

Član 1.

U postupku javne nabavke za LOT 2 - Nabavka usluge fiksne telefonije u Regionalnoj kancelariji Mostar, okvirni sporazum na period od tri godine, dodjeljuje se ponuđaču JP „Hrvatske telekomunikacije d.d. Mostar“, ponuda broj 16-12-16-5777-4/24 od 26.08.2024. godine, za ponuđenu cijenu u iznosu od 11.735,39 KM bez uračunatog PDV-a.

Član 2.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu (u daljem tekstu: Agencija).

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom broj 16-12-16-5777-1/24 od 31.07.2024. godine, pokrenut je postupak javne nabavke usluga fiksne telefonije za potrebe Agencije, procijenjene vrijednosti 24.000,00 KM bez uračunatog PDV-a, za koji je obavještenje o javnoj nabavci broj 1161-1-2-195-3-63/24 objavljeno na Portalu javnih nabavki 06.08.2024. godine i u „Službenom glasniku BiH“, broj 55/24 od 16.08.2024. godine. Novčana sredstva za realizaciju navedene nabavke obezbijedena su u okviru budžetskih sredstava za 2024. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godine („Službeni glasnik BiH“, broj 50/24) i Dokumenta okvirnog budžeta 2025. - 2027. godina. Za navedeni postupak javne nabavke predviđeno je provođenje e-aukcije u skladu sa odredbama

Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Predmet javne nabavke podijeljen je na LOT-ove i to:

- LOT 1 - Nabavka usluge fiksne telefonije u Regionalnoj kancelariji Banja Luka, procijenjene vrijednosti u iznosu od 12.000,00 KM bez uračunatog PDV-a;

- LOT 2 - Nabavka usluge fiksne telefonije u Regionalnoj kancelariji Mostar, procijenjene vrijednosti u iznosu od 12.000,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 29.08.2024. godine do 12,00 sati, te da se ponude dostavljaju u zatvorenoj koverti, Komisija je dana 29.08.2024. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Blagovremeno je dostavljena jedna ponuda i to:

R/B	Naziv/ime ponuđača	LOT	Ponuđena cijena bez PDV-a u KM
1.	JP „Hrvatske telekomunikacije d.d. Mostar“	LOT 2	11.735,39

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) (u daljem tekstu: Zakon), sačinila Zapisnik o otvaranju ponude, koji je dostavljen ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Tenderskoj dokumentaciji.

Komisija je utvrdila da je ponuda ponuđača JP „Hrvatske telekomunikacije d.d. Mostar“ za LOT 2 prihvatljiva odnosno ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Tenderske dokumentacije.

Komisija je od Sektora za operativnu podršku, Odsjek za informatiku, komunikacije i sigurnost informatičkih sistema aktom broj 16-12-16-5777/24 od 03.09.2024. godine, tražila da na osnovu uvida u ponudu ponuđača JP „Hrvatske telekomunikacije d.d. Mostar“ za LOT 2, dostavi stručno mišljenje u pogledu ocjene tehničkih uslova postavljenih u Tenderskoj dokumentaciji. Sektor za operativnu podršku, Odsjek za informatiku, komunikacije i sigurnost informatičkih sistema aktom broj 16-10-16-5777/24 od 06.09.2024. godine, dostavio je stručno mišljenje, u kojem navodi da ponuda ponuđača JP „Hrvatske telekomunikacije d.d. Mostar“ u potpunosti ispunjava tražene uslove iz tehničke specifikacije.

U skladu sa članom 17. st. (1) i (3) Uputstva za primjenu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je aktom broj 16-12-16-5777-6/24 od 11.09.2024. godine od ponuđača JP „Hrvatske telekomunikacije d.d. Mostar“ zatražila prihvatanje ispravke greške računске prirode u Tabeli - 1 Cijena razgovora prema mobilnim i fiksnim mrežama u BiH. Naime, Komisija je uvidom u Tabelu - 1 Cijena razgovora prema mobilnim i fiksnim mrežama u BiH, utvrdila sljedeće:

a) stavka pod rednim brojem 3 - Cijena prema ostalim mobilnim mrežama u BiH u koloni broj 3, specificirana je Količina na nivou mjesečne potrošnje (min) 400, u koloni broj 4 - Jedinična cijena po minuti (KM) naveli ste 0,21 KM, dok u koloni broj 5 - Ukupno na mjesečnom (KM) koja se dobije množenjem kolone broj 3 i kolone broj 4, naveli ste iznos od 82,80 KM, dok je u koloni broj 5. Ukupno (KM) na nivou tri godine, naveden je iznos od 2.980,80 KM. Detaljnim preračunom od strane Komisije utvrđena je greška računске prirode i u Tabeli br. 1 - Cijena razgovora prema mobilnim i fiksnim mrežama u BiH u koloni broj 3 Ukupno (KM) na nivou tri godine treba da iznosi 3.024,00 KM koja se dobije $400 \times 0,21 \text{ KM} = 84,00 \text{ KM} \times 36 \text{ mjeseci} = 3.024,00 \text{ KM}$, tako da ukupan iznos u Tabeli-1 Cijena razgovora prema mobilnim i fiksnim mrežama u BiH treba da iznosi 5.284,80 KM bez uračunatog PDV-a, a ne 5.241,60 KM bez PDV-a kako je navedeno u ponudi ponuđača JP „Hrvatske telekomunikacije d.d. Mostar“.

Ponudač JP „Hrvatske telekomunikacije d.d. Mostar“ aktom broj N-03-03-1958/24-1 od 11.09.2024. godine, dostavio je odgovor u kojem navodi da se dogodila greška pri upisu cijene u decimalama u Tabeli 1 pod rednim brojem 3 „Cijena poziva prema ostalim mobilnim mrežama u BiH“ i koloni broj 4 „Jedinična cijana po minuti (KM)“. Naime, tačan iznos jedinične cijene po minuti (KM) je 0,207 a koji je greškom zaokružen na dvije decimale, te je upisan iznos (KM) 0,21. Sve ostale stavke u Obrascu za LOT 2 - Nabavka usluge fiksne telefonije u Regionalnoj kancelariji Mostar ostaju nepromijenjene.

Imajući u vidu naprijed navedeno, Komisija je utvrdila da ukupan iznos u Tabeli - 1 Cijena razgovora prema mobilnim i fiksnim mrežama u BiH iznosi 5.241,60 KM bez uračunatog PDV-a, dok ukupna cijena ponude ponuđača JP „Hrvatske telekomunikacije d.d. Mostar“ iznosi 11.735,39 KM bez uračunatog PDV-a.

Obzirom da je Tenderskom dokumentacijom za postupak javne nabavke usluga fiksne telefonije za potrebe Agencije predviđeno provođenje e-aukcije u skladu sa Pravilnikom, da je za LOT 2 dostavljena jedna prihvatljiva ponuda, Komisija nije zakazivala e-aukciju već je postupak javne nabavke za navedeni LOT okončan u skladu sa članom 64. stav (1) tačka b) Zakona, primjenjujući kriterij najniže cijene iz tačke 21. Tenderske dokumentacije, te je sačinila rang listu ocijenjene ponude, kako slijedi:

R/B	Naziv/ime ponuđača	LOT	Ponuđena cijena bez PDV-a u KM
1.	JP „Hrvatske telekomunikacije d.d. Mostar“	LOT 2	11.735,39

Komisija je nakon provedenog postupka ocjenjivanja dostavljenih ponuda, te stručnog mišljenja Sektora za operativnu podršku, Odsjek za informatiku, komunikacije i sigurnost informatičkih sistema utvrdila da je ponuda ponuđača JP „Hrvatske telekomunikacije d.d. Mostar“ ocijenjena kao najpovoljnija ponuda za LOT 2, te da ista ne premašuju procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te je odlučeno da se okvirni sporazum na period od tri godine, u postupku javne nabavke za LOT 2 - Nabavka usluge fiksne telefonije u Regionalnoj kancelariji Mostar, dodijeli ponuđaču JP „Hrvatske telekomunikacije d.d. Mostar“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum